



21571

kol.komp.

III

Mag. St. Dr.

P


laus.

Biechanowski Stanisł. Josi Fastigium panegyrici
oporis supra trimum montium genti utram
eminentia glorie molemb.

PANEG. et VITAE

Polon. Pol.

№ 1381.



I
S
M
I
R
P
sp
M

FASTIGIUM PANEGYRICI

O P E R I S,

SUPRA TRIUM MONTIUM GENTILITIAM,
eminentis gloriæ molem,

MAGNO, ET MERITISSIMO HONORI,

Illustrissimi, & Magnifici Domini,

D. STANISLAI SZCZUKA,

REGENTIS CANCELLARIÆ REGNI,
PRÆFECTI LVBLINENSIS, & VILKISIENSIS,

D V M

inter festas acclamationes,

& solennes applausus,

splendidissimo ingressus publici apparatu,

PRÆFECTURÆ SUÆ AUSPICIA,

LUBLINI felicissimè ordiretur,

officiosissimo cultu, & affectu,

A

M. STANISLAO IOSEPHO BIEZANOWSKI Leopold.

In Alma Vniuersitate Cracouiensi,

Philosophia Doctore, Collega Minore, Ordinario Pòeseos Professore,

E R E C T U M,

luciq; publicæ,

C O N S E C R A T U M.

Anno Salutis, 1688. die 5. Ianuarij.

CRACOVIAE, TYPIS VNIVERSITATIS.

IN GENTILITIVM INSIGNE
ILLUSTRISSIMI, & MAGNIFICI DOMINI.



BIBLIOTH. UNIV.
JAGELLONICAE

In cælum montes, quod terna cacumina tollant;
Celsus id eximij, fecit honoris apex.
Cur tamen in terris qui congregat omnia, sursùm
Tollitur, & cælos respicit iste tridens?
Cordibus augustis, an fors dilecta, thronisq;
Quod meruit Virtus, congregat ipse DEUS.

21.571 III

fat
id e
mo
am
nius
ille
min
pur
digi
quo
ma
stup
De
tall
rian
oste
run
ris
pro



FASTIGIUM PANEGYRICI OPERIS.



PRODIGIA seculorum, excessu mentis humanæ in
immensum euecta; vastæq; molis supercilio, & mi-
nacibus ex altò fastigijs Visenda, quod captas stupo-
re animas, duxerint aliquando in triumphum, nunc
tandem mirari desino: dum capulare hoc Orbis ef-
facti senium, inter exangues, frigidosq; rerum ingentium conatus;
id etiam labentibus seculis, & in margine fatorum positis, extre-
mo nisu gignit; quod admiratione sui, & magnitudine gloriæ; et
am ingeniorum medullas, & Phœnices animorum triumphat. Ge-
nius ille Sacer, & Origine cælestis; qui primus homines animauit:
ille non Vestalis, nec de Promethei virga; sed de foco abyssi lu-
minum scintillans, quo primum ad immortales ausus incalimus;
purus adhuc, & illimis, quòd eòusq; hominem coxerit; vt ad pro-
digia operum, ex eo arserit, ceu totus spiritus, & flamma, non est
quod Orbem attonitum reddat: cum vicinus principio suo vigor,
manuum DEI recentissimum opus proderet. Illud voragine
stuporis, etiam propiores intelligentijs absorbeat mentes; quòd
Deucalionis & Pyrrhæ saxæ proles; ac velut culæ ex informi me-
tallo animæ; Vulcaniam adhuc incudem, & Cyclopum carbona-
riam olentes, Diuinos ignes concipiant, traduces è cælo spiritus
ostendant; & immortalium operum anhelitu, ipsos etiam seculo-
rum Aborigenes, & prouocent, & vincant. Laboratum est cu-
ris ingentibus, pro strue lapidum; pro muliebri Babylonico fastu;
pro terso nimis ad mendacem famam, Iouis Olympij ebore; pro

exesis Rhodi fragmentis, & Solis cadauere turpi; ad extremum pro
malleo, & scalpro; ut animæ proiectæ, & cælestium inanes, dum
latumias subeunt, & marmora tollunt; crustæ opificum fierent;
miratæ saxa, maiore propudio sui, quod in ea degenerassent. Ra-
puerunt Orbis pupillas, & euerberarunt Capitolia, Acrocorinthei,
Larissæ, & Mempheos bracteata fulgura: iuere post Praxitelem, &
Polycletum sequaces oculi, & obstipij capitis turbæ; vnusq; Phi-
diæ ionipes, plura in se ora spectantium fixit, quam Catonis, &
Aristidis Virtus. Omnia hæc tamen, æuo suo augusta; vnum
id, quod omnium augustissimum est, non habuere; ductam nimi-
rum ex animi magnitudine, quæ vno Ioue minor est, ad siderum
fastigia molem. Supergressa hæc id omne, quod portentosum no-
men, sed rerum inane; inter miracula dixit, cælo caput intulit; quod
ibi, pari cum mentibus æthereis ortu, patritium semper fuerat.
Moles nimirum, cui basis, & fastigium DEVS; cuius increata sa-
pientia Myron; cuius compages, Diuinitatis portio; cuius finis
infinita duratio, cuius spectator ipse stupor; cuius panegyris, digi-
tus ad labellum. Animatum hoc opus, spiritusq; capacissimi; vi-
tale pariter, & vocale; cui dicendo idioma, & eloquium ex sei-
pso; quodq; magnificentius intelligi vult, quam narrari. Quæ-
ris opus, & magnificentiam eius? quæris victrices in eo, seculi no-
stri ex antiquo manubias? in te ipso scrutare, ex qua parte Diui-
nus es, & immortalia spiras; utiq; ex animo Diuino, admirabili,
æterno; qui magnitudinis suæ, solus pollicem mensus est; cui quid-
quid comparaueris, quod terram sapit, scoriam putes; qui ad im-
mortalia molimina, ipse sibi Centimanus, & Gigas; ipse dextera,
& ingenium. Seculum igitur Parios lapides, & ebora locutum,
ibi sileat; vbi ipsa operis maiestas pro se loquitur, quæ ex ore al-
tissimi prodijt; vbi ab animo moles omnium augustissima surgit.
Tibi eam, sed ex Te ipso molimur, & in aditu honoris Tui, supra
montium Tuorum fastigia ponimus, **ILLVSTRIS-SIME &
MAGNIFICE DOMINE**; dum Tibi Orbis Poloni Vene-
ratio assurgit, basilicum in Te opus, augustæ Regum dexteræ non
capiens; & iam Tibi succumbens; cum necdum, quantus es ap-
parueris totus; animi & honorum magnitudine celsius itura, ut ex
toto specteris. Rudera telluris, & saxæas montium fibras, pro Te

non

non euisceramus; cuniculis venarum sectis, non agimus pro Te; ut pondera secti lapidis, Orbi in Pyramide tua minentur; Arabs, & Indus non gemet, obryzum in Te suum, & ebur omne consumptum. Tu ipse Tibi vena aurea, gemma, & animorum ebur. Tu ipse montium Tuorum scaturigo metallica, & Peru; Tu ipse molis Tuæ, sine fastu maiestas tota & fastigium. Nihil igitur ex ingenio nostro, nihil ex arte, & guttis frontium pro Te cadentibus habebis. Te Orbi ferimus, tollimusq; in amoris publici brachijs; sed quantum Te dabis, concedesq; visendum; reuelabisq; magnitudinis Tuæ arcanum, quod pertinax modesti de Te sensus, arcto sub signaculo tenes. Si tamen inter auspicia Tua, & in hoc speciosissimo virtutis honoratæ triumpho, prout mereris, augustè dici vis; da genium, & spiritum; quem inter purpuras, & Augustalia Regum, conscium maiestatis haustisti; extende mentem pro Te operariam; ut secula cogitet, cum in victuris de Te meditamentis, cogitabunda moratur: atq; inter hos patritiæ pompæ occursum, vni Tibi spectatissimo, calamum & cytharam exæqua: ita Tibi, & Orbi in mole Tua prodibis, iuxta id quod es, animorum summitas: iuxta id, quod à me scriberis, supra fastigiatos montium Tuorum vertices, montium & mentium apex.

Eluctari ad sublimia, per Vastos rerum anhelitus, & per confragosa omnia; quæ obstant, & arcent: edomitæ naturæ iniurijs, Alpiumq; rupibus sale, & aceto exesis, Orbis Capitolium, & Quirina fastigia velle: quem non capit Macedonia, etiam ruptis Cilicum faucibus, spiritum Oceano Atlantico inferre: maribus quidem animis volupè; sed non nisi cordatissimis datum. Decreuere pluri animo summa omnia; sed hæserunt in imis, mentibus aquilæ, testudines facto. Stetere multi ad radices sublimium; sed Acroce-
raunia rati, pusionem animum, vnde venerat, ad crepundia sua retulerunt, & puppas. Itum ab alijs, & enixè tentati gradus; sed è vestigio, iterum moti retrò, confessione timoris, ceu lænam in via, vel Tygridis catulos vidissent, motæ ad lunam trepidarunt arundinis umbram. Alij diu ceu capreæ penduli, saltuq; pernice, cum iam propè euassissent, iterum infelices Sisyphi; alij iam in exitu spe sua elusi, ceu Euridicen respexissent. Soli contra ardua obstinati, immanè quantum animo Heroes, quantum in opere Dæda-

li, quantum cauatis vestigijs Bellorophontes; valido nisu, ac ere-
sis ceu in adamante passibus, omnia emensi, eluctatiq; per ob-
stantia, ceu Mauritan Atlantes; supercilia tandem ipsa, tholosq;
& tritones fastigiorum tenuere. Grande hoc negotium, Viros
poscit, non Vertumnos: Statores, non Proteos; Censorinos non
Philotas; animas propositi tenaces, quadratas, cum D E O Ter-
mino non mouendas; si fractus illabatur Orbis, adhuc tamen rui-
narum eius cumulo supereminentes; quas si computaueris, vel Po-
lycratis eas annulus, vel putamen cum Sacra Iliade claudet. In-
dolem requirit, masculam, seriam, arcano fastu ante fastigia sua
non tumentem: antequam euaserit, virilem quidem & inuictam;
sed postquam euaserit, non ex toto securam; semper nimirum cen-
tocolam, semper in ijs, quæ præcesserunt exemplis defixam: cui
etsi totus in alto decreuerit Orbis triumphum, nec ouantem ibi
videbit, vnde triumphales etiam Viros eiectionamenta hominum de-
traxerunt. Molem talibus erigas, Hadriani maiorem; magnifi-
centissimo operi intus, ne digitus quidem accessit. Pyramides,
Colossos, Septizonia pone; supergressi omnia prominent, non de-
cempedâ ambitionis, sed mensurâ virtutis. Exosculor hæc cor-
cula hominum, & ocellos, portionem immortalitatis inter morta-
les selectam, nucleum virtutis sine cortice tumoris, patritias cæ-
lorum animas; quas etsi cælo tenus extuleris, sublimes sunt, non
elata; spectantur in alto, sed quæ humi repunt, non despiciunt;
Ioues sunt, sed non tonant. Culmina dignitatum, Sacri Vertices,
molesq; augustæ omnes, tollant huiusmodi non animos tantum;
sed abiq; purpura, & fascibus, Reges etiam animorum purpuratos.
Montium iuga, quantumuis Olympum tangentia, inclinent subli-
me suum magnitudini huic, quæ tota ex animo venit; iusteq; vi-
cina intelligentijs censetur, quia mentium apex.

Hæc Tibi summitas, hic montium, & mentium apex, magni-
ficentissimo sed ex Te opere, panegyricè surgit, ILLVSTRIS-
SIME PRÆFECTE LVBLINENSIS, plausus hodie-
ni dulce negotium; sed ingeniorum admiratio, & propè coronis.
Molitur aliquid pro Te, si non ex arte nostra, quæ infra Te est;
ex eo certè, quod tecum assurrexit Orbi visendum; non ideò pro-
ductum vt videretur, sed vt esset. Vertices Tui tecum nati, pa-
trimo-

rimonia Tua, & decora sunt; domi habita, & iam meritis par-
ta, antequam mereri potuisses; in quibus laboratum est à Tuis,
non ut statim emereres; sed ut officij Tui admonitus, ad quæ
nascebaris, sublimia Tua cogitares. Multi erumpunt ex angulis
suis, & illustria tenent; opacarum nubium proles, ut fulgura sint.
conscias latebrarum origines habent, & Solem tamen cum orexi
ambiunt, quinimò depereunt; avidissimi splendoris, cui tamen
ferendo, ignobiles palpebras ægrè tollunt. Quid illis facias? ato-
mi sunt; omnino id agendum, ut quomodocunq; prorumpant,
modo in solè volitent; alias non videndi, & in nihilo suo peri-
turi. Isti certè posuerunt lucem latibulum suum, ut ignorentur,
qui fuerint; cum tamen fulgentissimè transpareant, ceu papilio
liquida crystallo clausus, & ideò conspectior; quibus profuerat
in obscuro suo latuisse, ne paterent, ut Macrinus ex mulione
Cæsar. Mentita enim lux, non perstringit quemquam, sed per-
stringitur. ad veram lucem, aut nascere, aut prodi; non germen
fortunæ, sed virtutis. Lynces ubiq; sunt, & eò quidem acuti-
ores, quò acutiùs foris, quàm domi cernimus: seriò circum-
spice, quamvis excellens sensibile sis, non omnium te perspica-
cissimos sensus corrupisse. Quæsitam hanc lucem, aut extortam;
si tamen extorqueri aliquid potest, quòd spontè in cryses influit;
montium Tuorum exporrecta facies, & claritudo domi patritia,
non exambiuit. In montibus enim Sol perpetuus, siue illum
aurora vehat, siue in auge sua meridietur, siue cum Hespero ca-
dat; semper illi montium aprica rident, & solium tanquam prin-
cipi suo attollunt, ut nunquam non in culmine sit. Prodire sic
debueras; ut augustos Soles in montanis foliorum suorum, non
connuentibus oculis intuereris; dignus aliquando Maiestatis o-
culis; qui iam tum lucis publicæ oculos petebas; cum Te non
Seruij Tulli radij; sed erumpentes ex animo nobiles flammæ co-
ronassent. Volupè erat virtuti, Deæ Cuninæ tuæ, inter fascias
deliciari tecum; & iam tum blandè Tibi insusurrare; ut spiri-
tum conciperes, ibi tanquam ex oraculo responsurum, ubi Re-
gum fasciæ nitent, animosq; & imperia ligant. Ab hac Tibi
genius, dignusq; Lucijs maioribus, ex vicinis Bohemiæ ceris ani-
mus; quorum sanguinem Antecessores tui traducem aliundè,
Sarmatiæ ciuem, & indigenam fecerunt.

B

Ut

16 Vt enim Te, quamuis id non ambias, & Molem Tuam, à
 basi quâ stetit, & secula numerat, incipiam. RASTELLINI in
 Bohemia Barones, Montium Tuorum, & super eos feliciū
 Rastrorum bases, Nobilissimi Sanguinis Tui fundamenta iecē-
 re; apud consanguineam Lechiæ Slauiam gentem, libertatis &
 idiomatis cōmunicatione amicam, Regniq; primordijs fraternam,
 Hic tres montium Vertices, ad insigne delecti; in quibus pacis
 & fertilitatis symbolum emeretur, coaceruandis terræ germini-
 bus aptum: ad Saturniasq; falces, & tridentes Neptunios, in sub-
 fidium antiquitatis non prouocans; satis nobile, satis auitum;
 cum Aborigenes suos non iactat; aut eos, qui montibus etiam,
 inter cætera ridicula Numina, Deorum cultus detulerunt. Ma-
 chinas quoq; columnarum, aut fusas ære Corinthio statuas; vel
 ex armamentario Gradiui, cædibus humanis adhuc calentes gla-
 dios, vel madidas cruore Sarissas, Rastellini ad pompam non o-
 stentârunt; nobilitatem maximam rati, congeriem honorum Pa-
 triæ, & securitatem publicam; quæ armis quidem paratur, sed
 pacis artibus, & consilio retinetur. Armorum tamen sitis, in ge-
 nerosis pectoribus inextincta, quæsit Regnum armorum, & se-
 des Martis patrias, transferens montes suos in Poloniæ plana;
 vbi contra barbaras gentes aperta omnia; nec aliud quod te hosti
 eripiat, nisi in pectore munimen. Spartâ hic manibus orbâ, sed
 non orbatâ Heroibus, stupet adhuc Oriens, sola planitie, & acie
 cinctam, totq; seculis triumphalem: cùm ipse immensa mole ter-
 ræ, marisq; tectus, elementa quasi omnia sorbens, iam nunc Pro-
 pontidem suam fugiat, retrôq; Arabes, Bactra, & rupes Hyrcania
 spectet. Rhodopen hic suam Thrax olim, nunc Mars Sar-
 mata miratur; quod Tyr am, & Boristhenem, pro Hebro bibat:
 quod turbinatus Bizantij apex, non eo iam fastu crepitet; quo si-
 bi immanè quantum plauserat; Xerxes contra Leonidam, Ther-
 mopylis suis famosus; & adhuc ad euaginos Sarmatiæ mucro-
 nes palpitans; quamuis ipse totam gentium vaginam, contra hoc
 Regnum extendisset; cui Lechus Pater, & conditor, satis muni-
 menti prouidit, cum animas pugnacissimas dedit.

Armis hoc, & triumphis nobile solum, sub VENCESLAO
 Bohemo Rege Poloniæ, Heroes illi ingressi; quorum Sanguis es,

nacti

naſti orcheſtram Martis, quam deperibant ; armorum ſitientiffi-
 mi, periculorum contemptores, non per ſtillicidia, ſed per diluua
 ſanguinis, ad pulcherrimam in acie mortem ituri, dum hic Milti-
 adas omnes vident, Themiftocles facti ſunt. Apud bellicoſam
 gentem, rota barbarie circumfuſam, à Volga, Tanai, Ponto, Iſtro,
 Baltide, nullum latus, quod vulneri non pateat habentem : mo-
 loſſis Scythicis, ceu lapide molari, ad rotam mortis, & continu-
 os belli uſus toties exercitam; data ſunt Heroicis mentibus Olym-
 pia ; dati non theatrales gladiatorij ludi, non naumachia luxu
 perditæ : ſed viua mortis, & Martis ſcena ; ſed infigi paratus,
 capulo tenuis enſis ; ſed Ilium vndiq; , ſecula, non decennia nu-
 merans ; Pœnuſq; non ſedecem annorum, ſed continuus Annibal
 ad portas. VITOLDVS tum, Lithuania Principum Gradius,
 ſpiritu ingenti, quo ferebatur in hoſtem, Scythiam cogitans, Scy-
 thiam ardens ; contineriq; neſcius, cum prima ex voto ſucceſſiſ-
 ſent ; contra Tamerlanem Scythia portentum, Sarmatas dum
 prouocat ; exciuit bellatrices animas, quotquot tunc Marti in
 delicijs fuere. Exarſit, ceu facibus admotis, bellator Sarmata,
 hoſtem non computans, ad duodecies centena millia armare ſo-
 litum, ſed prælia poſcens ; Tamerlanesq; poſt gentes uſq; ad Ni-
 lum, & Euphratem, ritu fulminis percuſas ; poſt Baiazetis trucẽ,
 & infamem caueam, liberæ Sarmatarum animas caueâ non con-
 cluſit. Itum, pugnatum, Marte quidem aduerſo ; ſed virtute
 anguſta, ubi inter tot Patriæ Decios, ſanguis quoq; Tuus, in
 PAVLO SZCZVKOVIO, cruenta negotia egit ; ubi tot deco-
 ra morte conſumptos, cælum purpuratos recepit. Præceſſerat
 hunc, fecialis Patriæ SZCZVKOVIVS alter, Sceptrorum poſt
 LVDOVICI Regis mortem luſtu, & interregno ; Siradienſium
 Comitiorum decreto, cum Melſtinio, & Subinio Palatinis, ad ſe-
 dandas in Maiori Polonia, ciuiliſ belli flammas delectus, felix
 hac in re cum alijs, & Cyneas, & Neſtor; qui atrox illud armo-
 rum incendium, quod maiori plerumq; hoſtilitate, inter Ciues ex-
 ardeſcit, pactis ad tempus inducijs ſedauit. Succēſere tempora,
 æuumq; illud ; quod pace ſplendidiffimum, bellis triumphale ; ac-
 ceſſione Prouinciarum, Viſtoriarum numero, rerum geſtarum
 magnitudine, Poloniam extulerat ſupra ſeipſam ; in qua feliciffi-

mi omniū vixissent, qui vixerant; nisi felices nimium, voraginem hanc malorum, quā nunc sorbemur reliquissent. Pæana maiores nostri cecinerunt, nos classico viuimus. Post halcyonia eorum, nos in Symplegadas impegimus, iactamurq; cum Laertiade, vix non Ithacam quærentes: hoc vno saltem felices, quod non queramur, incidisse nos in tempora; in quibus locordes animæ, gement scilicet, cotem virtuti defuisse. Ecce quocunq; respexeris, modò acui velis, & cos, & cuspis præstò est. Ecce Rhodus, & saltus, sed cruentus. Agas Hectorem, Achillem inuenies: & iam non foris Africa, quæ semper aliquid noui, sed domi est. Sagum à VLADISLAI IV. temporibus non exuimus. Sub IOANNE CASIMIRO, lorica nobis propè in cutem versa; cum Serenissimo IOANNE III. toti sub papilionibus, sæpè cum hostibus, sæpius cum elementis pugnamus; obsonium nobis in hostico fames, dies in æstu, vel turbine, nox in cespite duro.

Heroum ætas hæc, à flauis vndis cœpta; in quibus ante Korsunensem cladem, prima POTOCIVS victima cecidit, ad cruenta post hæc diluua venit; quatuor decades annorum iam numerans; sed victimarum Patriæ non vnam Hecatomben, & myriadem plangens. Atrox rerum facies, cum foedam gentium colluiem, partibus Roxolanis infudisset, ostendit Heroas; in quo quod mirum consumendo genuit; cum velut ex dentata semente, armatorum in puncto, velut in Colchide quondam, ferrea seges nasceretur. Hic inter tot pugnacissima, æui illius nomina; Sanguinis Tui nutritæ bellis animæ, magniq; Alcides occurrunt; cum fortissimo illo, cohortis cataphractæ PRÆFECTO SZCZVKA: qui cum Martem amaret, Podoliam dilexit; factus hosti vicinior, quem ardebat. Theatrum Virtutis bellicæ Podolia, non vnas Cannas, & Thrasymenum experta; sed & triumphorum Martis feracissima, quantum contra Orientis vires, bellatorem in eo habuerit; docuit in filio genius ille, qui Patrem toties in Pontum, & Thraciam animauit; vnum illud filio inuidens, quod inter victimas Patriæ, inter quas ille summa gloria occubuit, cruore suo purpuratus non cecidisset. Nimirum quod Pater appetijt, filio Pilauecium dedit; qui post Korsunensem cladem, in

Scythi-

Scythiæ vincula ductus, Tauricanisq; deinceps compedibus solutus; maluit cum spiritu in acie dissolui, quam ignaua rursùm vincula pati; cùm eum triumphis omnibus gloriosius, decori exitus pulcherrima coronis, mors pro patria decorasset. Secutus eum felici inuidia, & æmulæ virtutis speciosissimo conflictu, AVGVSTINVS SZCZVKA, cohortis patritiæ Præfectus, Vir acerrimus bello, & in Suecorum excidia natus. Sensere transmarina illa capita, gladium eius vindicem; quo turmas eorum emissarias, sæpè ad interitionem deleuit: fecitq; vt in visceribus patriæ, per mille vulnera, & mortes, cruda illa viscera profunderent; quibus ad innocentis Regni, & coronati capitis haustum, rictu maximo anhelabant. Fulus ab eo, deletusq; sæpius repetitis ictibus hostis, ringebatur totus; quod contra tanti animi robur, nihil proficeret; vnum hoc caput enixè petens, quo cæterorum Martiales animæ constabant: donec & ipse AVGVSTINVS, verè augusto spiritu plenus, hostili sanguine toties madens, suumq; litare cupiens, inter confertissimas acies victima factus est, immortalis trophæo digna; quod iustissimis patriæ vindictis immori maluerit, quàm cladibus superesse. Idè hostis, idem bellator spiritus, PETRVM quoq; SZCZVKA, in exercitu Lithuano, ad militarem gloriam exercuit. Suecus illi bellandi materies, gestorum memorabilium occasio, flamma cordis, & ardor; in quem cum toto pectore fertur, cùm toties armis detonat; manibus tandem hostium illapsus, biennale vinculum pro gloria duxit, animo liber, & inuictus; rursusq; libertati assertus, vincula illa, monilia sua censuit, & militaris balthei gemmas: ferocior exindè, adactosq; in viscera Gotthici Leonis profundius ense, eòusq; Patriæ vindex; donec Leo ille, euulsas hic, in littore suo componeret iubas; stuperetq; ipse suum, quod fecerat vulnus.

Verùm hæc submota iam ex obtutibus nostris, quamuis in æternitate victura; viuunt etiam nunc, in PETRO SZCZVKA Ensifero Mielnicensi, gestis & officiis militaribus gloriose perfuncto; qui animo ad omnem immortalitatem exporrecto, fruitur iam solatio cordatissimi pectoris; dextraq; toties in hostem vibrata; & conflictus computat, & trophæa. Dulce illi, & de-

eorum est; quod Serenissimi I A C O B I Poloniæ PRINCIPIS
signa angusta, & Aquilas secutus; in tanto bellorum æstu, barbarum omne, quod hucusq; Poloniam exagitat, cruentis sudoribus
& armis, Vice-Præfectus Legionis exceperit: ostenderitq; Aquilas tanti Principis, verè trifulci administras fulminis esse; vt Gigas ille Orientis, & quidquid cum eo Pelion, & Ossam contra nos mouet, malo suo agnosceret; ex inuictō Filio, quantum Inuictissimus Pater contra eum, & totam barbariem possit; agente id summa virtute Vice-Præfecti Legionis; vt legio tota, in facie Martis Poloni, triumphalibus laureis nunquam non incederet coronata. Hic mihi aurem vellicas, meritò dicendus seculis, in quorum exempla laboras, Heroum gemma, & amussis, VENCE-
SLAE SZCZVKA Dapifer Vlnensis, Magni Abbatis Paradisiensis germane Frater, legionis Præfecte, Gradiui Sarmatici ingens spiraculum, Montiumq; Tuorum, ex virtute bellica, verè eminens fastigium. Bellicus Tibi spiritus propè cum vberè haustus, marem animum rapuit ad id omne; quod hosticum, & vulnera spirat; iuistiq; sacro hoc impetu, quo ferebaris, tam alacer in arma, tam expeditus & ardens; cœu bellaria, non pericula ambires; cœu pectus istud prodigum vitæ, non vna in Te anima animaret. Quantus eras! & quam dici, non nisi à Te ipso potes! cum Vice-Præfectus armamentarij bellici, fulmina illa contra Orientem ad Chocimum torqueres; quæ quoties explodi iusseras, ipse animo in castra hostium præuolabas, missilia cordis vrgens; vt castris exutus, sædèq; victus hostis, daret gloriam DEO; qui tumentia potissimùm, & cælo-tenus elevata, iactis fulminibus tangit. Seculis res non visa, classicum gloriæ Tux, & corona meriti; auxit decoratua, & æstimationis addidit pondus; cum Inuictissimi DVCIS augusto iudicio delectus Commissarius, Chocimum à Turcis, in fidem, & subiectionem patriæ reciperes; barbaris adhuc palpitantibus, & non capientibus; quomodo intra fossas suas, & munitissima castra, momentò velut hausti, ac velut fulminis ictu periissent. Tremuerunt tum temporis Cannæ illæ, sæpè nobis fatales; sed tantis deinceps vindicijs gloriosæ: vbi nefas Turcicum, cruenta Nemefi expiatum; etiam in Pannonia theatrum virtuti tux, & decus immortale parauit.

Nimirum

Nimirum post Viennam, prodigio æui nostri, ex faucibus Tur-
carum ereptam; post demersum in sanguine suo, absorptumq;
Danubij fluctibus Orientem; primus cum legione Tua Parcanum
es aggressus; coegistiq; munimenta illa, & terrori, & virtuti cede-
re; abripiq; eò, & prosterni; quò tota grandis victoriæ moles in-
cumbebat. Cessere hæc, & cum Strigonio deinceps, venerunt
in augustas triumphantium coronas; ardentissimam tamen bel-
landi sitim tuam, vallares, murales, obsidionalesq; non extin-
xerunt coronæ; quinimò in dies prouocant, & ardentius Te vr-
gent; cum Inuictissimi Monarchæ nostri, triumphalia ubiq; ve-
stigia premas; cum Dacas, Scythas, Thraces in prælia postules;
cum nihil magis, inexplebili gestorum immortalium anhelitu siti-
as; quam vt bellatrix hæc anima, & vltima sanguinis in Te, quæ
vnquam restabit gutta, non Tua, sed Patriæ sit. Flammæ istæ,
non aris Vestalibus, sed cælo dignæ, alios quoq; ex sanguine Tuo
adurunt, iamq; Heroas reddunt. Generosissimæ nimirum ani-
mæ, inflammari se patiuntur ad magna, & honesta; libenterq;
eò aspirant, quò summa præcessere; præsertim si intra sangui-
nis lineam sint; vbi domestica exempla, faces quædam sunt, &
stimuli non ferendi. Acceperunt eos, & iam honestissimis igni-
bus calent, duo Marti dilecta pectora, Tui ex Fratré nepo-
tes **Magne Abbas Paradisiensis**, cohortium bellicarum
Præfecti, ambo virtute illustres, ambo summis operibus pares,
totiq; in eo positi; vt in æstu illo inuicti Heroes sint; vbi nunc
res bellica feruet; ostendantq; sæculis omnibus, nullum hæctenus
bellandi genus, nullam victoriæ palmam extitisse; ad quam se-
lectissima bellatorum portio, **SZCZVKAS** intelligo; manu vali-
da, animo ingenti non spectasset.

Bellatorum hæc gloria, & Heroicum propaginis Tuæ decus,
ô quàm augustius surgeret! si quæ illi, consanguinearum Stir-
pium in Regno, & Magno Ducatu Lithuanix, splendidissima cõ-
iunctio est, par eam calamus, in Panegyri Tua assequi posset.
Non suffecerat enim Nobilissimo sanguini Tuo, verè à Lucijs
Romanis, per tot sæcula, & traduces prosapias, vsq; in Bohemi-
am, & deinceps in Poloniam deducto, intra Regni huius viscera,
meritis & gestis immortalibus fastigium tollere. Non suffecerat

in nido Vestro, bonorum SZCZVCIN ad fluvium Vissa, à Du-
 cibus Mazouia, præcellentibus meritis Atauorum Vestrorum col-
 lato, decoris natalibus, & illustribus factis clarescere; sed quæ-
 rendum erat, vicinum quoq; bellicosæ Lithuaniae clima, expli-
 candæ virtuti, & porrigendæ latius apprimè idoneum, Gradiui
 præsertim incitamento; qui huc, dum bellaces SZCZVKARVM
 animas, illicio bellicæ gloriæ traxit; magnis Stirpibus amicas, &
 consanguineas fecit. Nimirum spectatissima ubiq; Virtus, pre-
 tium sui inuenit; & quocunq; eam intuleris, adamas est, ignibus
 suis seipsum prodens, & inter monilia censer, etiam ab inuitis
 requirens. Æstimata huiusmodi virtus, in Heroe illo, qui primus
 insignia hæc, ex partibus Mazouia, in Lithuaniam transtulit, atq;
 in pretio habita est; quæ postquam diuturno Martis opere, &
 victricibus armis inclaruisset: coniugales quoq;, in Ducali VIS-
 GERDORVM Domo, cuicunq; claritudinè suffecturos, & pares
 meruit nexus. Data Æneæ suo, Ducalis Lauinia consors, bono-
 rum Rady hæres; cum qua illi venêre, tot mitrata Lithuaniae no-
 mina, tot auiti splendores; ad primos Lithuaniae Principum fon-
 tes, originis suæ vetustissimam derivationem referentes. Accessit
 huc Materni generis Tui, ex Ducibus NERONOVICIIS, SPI-
 LEVSCIIS, iubar illud clarissimum; quod à Ducum Kijouiensium,
 Orientalium Cæsarum, & Regum Poloniæ, consanguineis,
 verèq; augustis splendoribus ortum; etiam de insigni Gentilitio
 Ducum OSTROGIORVM communicans; vicit edacium tem-
 porum longissimos tractus; & hucusq; sincerissima auitæ gloriæ,
 & constanti propagine fulget. Quantum verò coronamentum
 illud est? quod à cognata magnitudine VISGERDORVM
 DVCVM, & PVZINARVM de Kozielsko, quorum idem
 cum Magnis OGINSCHIIS Sanguis est, & triumphalibus laureis
 venit? quantum gloriæ addidit fortissimus Heroum IVDICKI
 Eques melitensis, sanguini huic cum tota Domo sua, & cum tot
 partis ex Oriente, classe Melitensium trophæis, intimè iunctus.
 MEDELIOS in Curlandia, Piltinensium bonorum possessione
 claros, sanguinis sui à Marchionibus descendens magnificentia,
 quam maximè coronet; qui tamen in parte summi honoris, in
 sanguine Tuo censendi sunt. Sint hæc, etiam cultissimis ingeni-

is cum

is cum cura dicenda: mihi sufficit, vt orbis intelligat, quidquid in Palatinatu Vilnensi, & Trocensi; in Districtibus Grodnenfi, Vpicensi, Rzeczycensi, summa virtute clarum & nobile: quidquid in Sub-Iudice Mscissauensi, in Pincerna Rzeczycensi; quidquid in Magistratibus Palatinatum, ordine à Succamerarijs cœpto, toga, Marteq; visendum, ex Ducalibus hisce mitris fulgentissime claret, vel claruit; totum id splendidissimi Materni generis Tui, pulcherrima seriè, & capacissima meritorum, & honorum amplitudine contineri.

Hic Te consultò seruaui, ac velut inter Erythræas gemmas, vnionem sine pari; omnium nempè dotes, & pretia complexum; atq; inter tot Regias coronas probatum; vt signaculum magni Sanguinis Tui, supra cor eius ponendum, ac velut monile cordis reposui, CASIMIRE SZCZVKA Abbas Paradysiensis. Vnionem Te Domus Tuæ dixi, non meo; sed tot coronatorum capitum; sed Patriæ totius, æuiq; nostri, magno de Te, constantiq; iudicio; sensuq; omnium, qui ex tripode sapiunt, vt oracula dicant. Vnio quippè, si concharum ex rore matutino partus est; si profundo maris tegitur; si magnitudine, candore, pondere, & pretio, reliqua gemmarum monilia vincit. Tu certè dolum istarum, & compendium, & verè vnio es: cui ros cælestis, animi puritas, & elegantia: cui candor ex ebore mentis; cuius magnitudo ex virtute, pondus ex autoritate, maris profundum ex intelligentia; pretium deniq; ex Regum æstimatione, sed maximum ex Te ipso. Nihil enim pretiolum ducis, quod aliundè venit; sed quod verè Tuum est, & re ipsa magnum, non gratiâ, sed merito; non suauiter inuentum, acceptumvè; sed operosè sudatum, nulliq; debetur, nisi Tibi. Animus ille Tuus, Principum sanè genius, & mens ipsa, exegit rigidam priùs à seipso censuram; donec alijs prodiret in amussim, & exemplar; tot meritorum tractu, tanto in summis negotijs rerum vsu, & iustissimo sui apud Regales thronos pretio, inter gemmas Patriæ, vnio tandem factus; locum non alibi, nisi in Principum pectore, & medulla imperantium meruit. Hic Tibi coronatus gratiæ sinus, hic cortina Delphis omnibus sacratior, de qua locuti sunt Magni Principes pro Te, summa omnia, & augusta; sed
D. nullum

nullum augustius, quàm os illud, quo Orbis sapientia loquitur,
Serenissimi & Inuictissimi, IOANNIS III. quod pro gem-
mis omnibus, vnum sensus Regij; sed vnionem omninò dixit,
dum censuit: Vnū adhuc superesse Abbatē Paradysiensem; qui ca-
pacissimæ intelligentiæ, & rerum summæ experientiæ, velut quod-
dam vniuersale subiectum, vnus omnium animi decora est com-
plexus. Vicit hoc elogio Princeps, ingenium & elogium omne;
Tuq; vicisti in hoc Principis de Te sensu omne id, quod de Te
dici potest; dicendus non nisi ab eo; qui Orienti silentium, &
ingenijs de se omnibus indixit: Princeps inter Monarchas Eu-
ropæ triumphis magnus; sed sapientissimo iudicio incomparabi-
lis. Nimirum sensus hic, ex illo Augustali maiestatis; in quo de
Te Serenissimi olim Principes IOANNES CASIMIRVS, &
LVDOVICA, fastis immortalibus digna sensere, dixereq; quo-
rum in Regali solio Successor, aureos de Te sensus, velut annu-
li gemma conclusit. Nec verò blanda hæc, vel obsequio ex-
pressa; sed rebus ipsis valida, & prudenter de Te sentientium,
propè decreta sunt: quæ Tu, illa animi magnitudine, & morum
comitate; illo affabili dulcore, & mentium suauitamento;
illa Tui communicatione ad omnes, & constanti ubiq; gratia:
ac quod maius est, illo rerum Diuinarum amore, illis centocu-
lis circa puritatem conscientiæ excubijs; illa tornatili manu au-
rea, in opus Basilicæ Diuinæ magnificentissimum, effussisq; in
charitatem proximi visceribus; & quæ in arcano tuo, soli DEO
nota, cælum Tibi inclinant, honoresq; ex ipsa fuga honorum;
sed perpetuos augent; supra id omne mereris; quod Tibi iudi-
cio publico decernitur; quod magno nomini tuo, summa apud
posterorū ingenia parant. Sufficis certè vnus, in sanguinis tui
decus, omni seculo; quod à calamo scribentium expectat, quod
ambit; vt proponat ad Ideam virtutis; zelo fidei, Ecclesiæ bo-
no, meritorum compendio, inuictòq; animo contra illicia for-
tunæ, & gradus eminentiores admirandum. Fastigia gloriæ tuæ,
in montibus Sanctis, pietate DEO dilecta posuisti; quos do-
mi tuæ gentilitios habes; nihil tamen ex ijs fastigio mentis tuæ,
accessit; quæ tota in se composita, tota DEO adhærens, nihil
sublime æstimat, quod Orbis brachia tollunt: sed quod sublimat
ille,

ille, qui in altis habitans, & montium cedros, & myricas conuallium nouit. Triumphum hunc dixerim, magnitudinis animi, & constantiae tuae; in quo manibus post terga reuinctis, quas tibi prope violentas iniiciebat, speciosissimo vincendi genere, dum recusas, dum fugis, honorem ducis triumphatum.

Dicendus iam mihi venis, post sanguinis tui decora, dicendorum flos, & emedullata portio eorum, quae Domi tuae magnifica, visenda, & illustria sunt, vel fuere, Illustrissime Regens Cancellariae Regni, Praefecte Lublinensis. Datum est haecenus seculis antiquioribus, & nostris; ut inter auspicia honoris tui, prodirent in Orbis faciem; a quibus in propaginis tuae coronamentum, Marte, togaque serio, & gloriose laboratum est. Sed quantum est istud, quod attingi poterat? maiestate sua profundius abconditum; quam ut reuelari possit, & ex sacra cortina sua produci. Moles haec seculis constat. Latium, Bohemiam, Poloniam, Lithuaniam, Russiam, ad gentilitios splendores tuos inclinat; gemmas hominum, in Ducalibus mitris tibi infert: nobilissimas Septemtrionis stirpes, patritio sanguine in Te deriuat. quis hic calamus suppar? aut quae ingenij tam exporrecti vis? ut in retroacta secula, pari talium comprehensione eat, Tibique dicendo sufficiat. Vnum tamen in laudibus tuis felicissimum est, quod in Te omnia claudas; & absoluas in puncto; repraesentisque; animi tersissimo nitore; ceu omnium crystallus diaphana, & dignum Archimede opus. Tecum ergo res mihi; sed in quo auum illud omne video; a quo descendis; & quod in Te magnarum mentium genio spirat; ut quod de Te dicetur; eos quoque coronet; quorum animos complexus, factus es vtriusque; aui dulce vinculum, & corona. Nimirum non ex eo socordi, & ignauo cætu hominum haberi vis; quibus sufficit, Ninos, Agamemnonas, Priamos, & si quid vetusta carie temporum, magis exesum est; inter rudera prisca sanguinis, & ignotas origines scrutari; feminasque; Claudiorum, vel fragmenta truncatarum faucium in Coclitibus, grandi Atrio inferre; ut obsiti puluere, cum maxime squallent, splendeant sibi miseri; ostentatores sine anima spiritus, in saxis, & crustis informibus habentes. Diceres illos sacramento adactos, ut post Maiorum opera, ne digitum quidem moueant; ut quae non fe-

cerunt ipsi, patrimonia sua putent: inanesq; cicadae, formicarum granaria iactent, cum fame boni nominis, penitus enecentur. Pulcherrima dos naturae, & fortunae, magnus & altus sanguis; verum si in animam informem inciderit, positus ex aduerso, dedecus auget: cum nulla grauior sit exprobratio, quam si desidem, & iacentem animum, facta maiorum immortalia arguant, degeneremq; conuincant. Illa pars mortalium caelo vicina, illa natalibus ipso cum Ioue digna; quae non ideo Curios, & Serranos domi suae allegat, quod Argi circa virtutem fuerint; ut neglecti posteris, & lethargo torpescant; sed ut laboratum tot seculis, vetustissimae gloriae opus, magnificentius quam acceperint, cum aeternitate tota exaequent.

Inter haec Diuina sane pectora, Tu mihi venerabile Maiorum tuorum Pantheon es, in illo mentis sacrario; quo cum recepisses, dignum Heroe spiritum; vimq; illam prisca sanguinis occultam, quae Te, ad summa omnia erexit; ne momentum quidem passus es, quo cessares ab ijs; quae tanto genio, & tanta vi motrice intus, poscebant impelli, & viuacissime animari. Monumentis tuis, tanto gloriae, tantoq; rerum sublimium congestu fastigiatis, non eras contentus, spectari tantum, ac velut in theatro personam agere; sed cogitasti magna mente, & egisti, quod illis ex te ipso accederet; adiecistiq; de tuo culminibus istis, tantum eminentiae & honoris; quasi in eorum altitudinem, nemo ante te laborasset. Ingenium quippe viuax, erectum, sublime, indoliq; praecelsae coniunctum, felix naturae bonitas. Tibi cum dedisset; usus es eo sanctè quidem, castè & innocenter; sed tamen senio, grauius, & exquisitè, adhibita eleganti literarum cultura, eoque bonarum artium apparatu; qui ex sapientiae gazis, & maiestate illa scientiarum, quae antiquitatis gloriam sapit, abundè conquisitus, summæ capacitati tuae respondit: delecta ad id, Regia Cracouiensi Pallade Iagellonica; quae Te Regibus dignum instrueret, formaretq; mentem, & manum illam; quae augustos deinde Regum sensus, Regiè planè conciperet; Orbiq; cum maiestate throni, & styli purpura communicaret. Hic Cecropia tua, hic Athenae, ingenijq; praecellens, ac verè aurei, Lydius lapis; ad quem probasti sincerissimum illud animi tui obryzum; quo

nunc

nunc etiam, inter coronarum gemmas, & inter oracula augustæ sapientiæ, verè tripas aureus fulges. Multis eruditio, osq; , & calamus felix, publicæ felicitatis scopulus, facundaq; Charybdis, ad perniciem obrigit; qui ideò excellentiùs sapiunt, vt ingeniosius fallant; quorum fusis in chartam altis quidem, sed ex Sionis genio sensibus, non sepiâ, sed spongia opus. Prata eruditionis peruolant, flores ubiq; carpunt, succos politici sensus emungunt; & post hæc omnia, cum apes fieri debuissent, fuci euadunt. Secula illis antiqua in ore, dolus nouissimus in mente: cum Tacito loquuntur, cum Tiberio sentiunt: Seneca illis Stoicè dictat; sed dictata Nero exequitur; Aristidem laudant, sed ostracismum illi cogitant. Quid prodest, fontes eruditionis non libasse tantum, sed exhaustisse? si aconitha ex ijs bibimus, si illime vertimus in turbidum; si perpetuo magnæ prudentiæ haustu, ambitus, & philautiæ viuimus sitientissimi, Tantalus infelices, Midæq; auro pleni, sed obryzo bonæ mentis carentes. Animus ille verè sapiens, calamus ille seculis dignus; cui tota vis in eo; vt Orbis illi gratias agat, quod didicerit, vt sanctè vtatur; quod manum in scribendo moueat, vt motus animorum non irritet, sed componat; eamq; non nisi politiem censeat; quæ magistra virtute, & veritate profecit; quæ colorem, vt chamæleon non mutat, cuiusq; se coniunxerit; sed oderit fucos & colores, animo ubiq; constanti, & illibato.

Exosculari licet hoc in Te purum, hoc innocens, nec temeratum vlla euenti candoris admittance pectus; quod in Te Musæ, & Gratia omnes, cum insedissent; inter tot erudita decora, primam tamen virtuti sedem concessere: à magno ingenio non requirentes, splendidos magnificè sensus; sed virtuti conformes: atq; illud in sapientia maximum, sobriè, & cum modo sapere: cum plus scire velle, quàm necesse est, quoddam genus intemperantiæ, Romanus sapiens censeat: & cum ingenia, ubi modum excesserint, luxurientur ceu Massico pota: nimiumq; sibi tribuant, ex eo, quod ad fastum distendit. Tibi ex literis mens quidem culta, & elegans; sed mascula simul, potensq; sui, nec redundans ad pompam. Calamus quoq; par cultissimis, grauis, solidus, eruditus; sed nimium affectatos nitores exosus,

E

& qua-

& quasi cum illo animo natus; quem dispositio superna, curis promiscuis exemptum; ijs potissimum, quibus rerum momenta in imperijs constant, destinabat. Accessit illi, robur in negotijs infractum, viuax agendi dexteritas, expedita vis prudentiæ; labor fatigari nescius, temporis parcissimus, prodigus operum, inertiae hostis. Poscebat ergo iam tum Olympia sua, theatrumque virtutis: circumferebat obtutus interiores, per omne genus meriti; cui se maximè daret: auebat irrequietum aliquid, idemque summe decorum; quod mentem attolleret simul, & exerceret, faceretque semper in expedito. Palatia, Curia, atria Principum, & secretiores cortinae obuolitabant: Confus, & Themis Senacula; Mars rigorem, & ferox supercilium, cruentisque meritis parata, triumphorum ostendebat conchylia: hærente animo, & ardentius optante; ut per hæc omnia ductus, & exercitatus; lineam meriti absolueret omnem, & utramque gloriæ adimpleret paginam.

Agite nunc boni Superi. date animo huic, tam magno, tam capaci; indolique huic, & virtuti excelssæ, latifundia meritorum & gloriæ: explicate spatia meditatis in æuum operibus apta; atque ut hæc moles pulcherrima, montium suorum fastigio altius surgat; date compagi basim immotam, date locum augustum. Vestrae sunt scintillæ, Vestri ignes, & flammæ; quibus ad ardua, & præclara, suauiter primum, mox ardentem incallescunt, qui luci publicæ destinantur. à Vobis magnitudo animi, & mens erecta, poscensque mereri, cælitus data venit; non surrectura tamen, nisi eam Orbis Atlantes eleuent; & cum dederitis, excellentis animi rasam tabulam; quæ in ea aureos characteres æternitati scribat, manum etiam date. Benè est, abundè est. Audita vota, probata desideria, decretus ab altò locus, & quidem omnino augustus, & quo nullus augustior: nimirum apud Orbis Augustissimum Monarcham, Serenissimum IOANNEM III. Ab hoc sapientissimo Principum, pupillam omnium terribilissima visus: ab hac Europæ Intelligentia, mira animorum penetratione cognitus: ab hoc coronatorum sensuum Oraculo, delectus es; ut in oculis tantæ maiestatis, quicquid in Te electum fuerat, conspectius appareret: ut hæc occasio, quâ nulla maior,

maior, ostenderet Te magnum animo, & maximo Principe dignum : in cuius gloriæ trophæum, Orbe toto magnificentius, cum omnia cedant: etiam id, quod de Te dicitur, restatq; dicendum, concedere debet: vt tota tua, cui Te totum debes, & cui pro Te gratiæ debentur, augustior sit in Principe panegyris.

SCUTUM ORBIS CHRISTIANI,

&
DELICIVM,
triumphati Orientis terror,
& gemitus,

conseruatæ saluo Clypeo tuo Europæ,
Magno maior Epaminunda,

Vniuersa Martis, & Palladis maiestas,
ATLAS, & PARENS PATRIÆ,
REGUM INVICTISSIME,
SERENISSIME IOANNES.



DICERE de eo, quod post DEUM, cuius omnia sunt; ex vi communicatæ ab eo potestatis, & ex augusto opere Tuum est; & non dicere de Te Ô REX! qui hoc visendum, dicendumq; fecisti; idem esset, quod oculo pupillam, Solem mundo, homini eripere mentem. Si quid hîc molimur, quod secula ferat, de Tuo est: qui seculis omnibus tecum, negotium dedisti; vt omnium cogitationes excedas, exempla vincas, acumen hebetes; & cum de Te, quantus es, meditati fuerint, nullius intelligentiâ capiaris. Si quid in Tuis, quos Marte, vel togâ, vel ex utroq; Cæsar; Maiestatis Tux nobile paradigma, magnæq; lucis illius, quæ in Te fontem suum, & iubar omne habet, rima quidem; sed fonte suo digna, tota nempe lu-

cida est. Data Tibi, ab Exercituum Domino manus bellatrix,
hostium vindex, contra Gigantes orbis fulmina torquens, trium-
phalis Capitolij architecta; & in propugnando Orbe Christiano,
pro Centimanis vna: sed eadem quoq; animorum formatrix,
ingeniorum lima, sententiarum statera, bonarumq; mentium e-
xalciatio; à qua si quid bono publico leuigatum, politumq; fu-
erit; ne Phidias quidem ebori suo limatius adiecerit quidquam.
Bellamus Te Duce fortiter, inuictè, gloriosè; & si qui Scipiones,
Marcelli, Decijq; bellando euaserint, Tu Gradiuus eorum es.
Consultamus prudenter, sed Te Conso. sapimus grauitè, sed ex
Delphis tuis. Sentimus benè de Republica, sed Te Nasica, &
Catone. respondemus confœderatis Principibus, & populis, pro
Te augustè; sed Tu Regium idioma, in respondentium ore po-
suisti, & omnium Suada es. Quid ergò non Tuum? si quid
exactum, si quid cum cura dicendum, proponendumq; orbi in-
exemplar. Quid Te effugit, quid later? si penetrare velis. quid
Te non loquitur, si inspiraueris. quid Te Orbi non monstrat?
si operi adieceris manum. Ex operum tuorum Augustali, &
istud est; quod hic miramur; & quod tollere fando cum volu-
mus, miseri obruimur pusiones; molem dicendo meditati, cui
Tu basim, compagem, & fastigium dedisti; cum ne digito qui-
dem, tangere eam liceat. Fatigat nimirum ingenia, superat ar-
tem, robora scribentium, & mentes æneas frangit; quod Tu
compactum meritis, formatu gratia, eminens virtute, duratoq;
in æuum beneficio solidasti. Omnia hæc, in Regiæ Tuæ dex-
teræ exquisito plasmate, Magnaq; Heroe STANISLAO
SZCZVKA, quem hic dicimus, orbi spectatissima, ingenijs ad-
miranda, omni facundiæ erepta, vel ideò nouimus, quod Tua
sint, & Tuæ conscia maiestatis. Elegisti, vocasti, probasti, di-
lexisti, honorasti, & extulisti ô REX! sed ex dotibus, experi-
mentis, & ex merito; sed ex illo Regiæ mentis Senaculo; in quo,
cum quidpiam, de aliquo decernis, Sybillæ folijs sanctius, & pro
oraculo habendum est. Animi elegantia; cultura erudita, inge-
nium ciuile, calami felicitas, dicendi gratia, morum suavis tem-
peries, arcanum cordis illibatum, summa in Te Principem fides,
& omnia, quæ in hoc pectore vnicè æstimantur; pretium sui, in

immen-

immensum vel ideo adaugent; quod sub manu tua Regia fuerint;
conuictione tanta mentium, indicioq; sui; vt si authorem quis
nesciat, quam augustus fuerit, satis ex opere constet. Id nimirum
hic egisti ô Magne R E X ! quod ubiq; soles, quocunq; Te
verteris, immortalium operum author, gerendorum amussis,
Cynosura mentium; ac velut sol ille caelestis; qui animorum
viscera penetrans, si quid in ijs dispositum inueneris, melius depuras,
excoquis, perficis; ac vt in venas auri, metallo purissimo abundant,
radio maiestatis, & excellentiori virtute operaris. Debemus Tibi obryzum hoc, in tanta seculi nostri ferrugine; in qua,
& Te ipsum Principem nobis ab aureo auro: & quos deligis, bello
paciue idoneos, verè aureos Heroas exhibes; totusq; in eo es;
vt non omnino in chalybem desinamus. Hoc subsellia, curules,
Senacula; hoc castra, legiones, exercitus; hoc sacrae Cathedrae,
mitrae, purpurae loquuntur. Tuq; omnium splendor, & maiestas;
qui in tanto rerum turbine, & puluere Martis; faciem Reipublicae
magnificentissimam, vsq; ad triumphos conseruas. Quantum id gloriae
Octauiano Augusto fuit? in summa Orbis pace, Romam propè auream
fecisse: fecisse id, postquam Consules caesi, postquam exercitus sanguine
hausti, postquam fulmen Punicum in visceribus hærens, ad Anienem spes
Italiae ultimas eripuisse, in ipso deliquio rerum, & palpitatione, tum
demum gloriae fuisset. Prospera quippè dum affluunt, spontè imperantium
fastigia attollunt: sed in Lacinijs fortunæ, inter obluētantia vndiq;
, & squallida passim, conseruata Reipublicae salus, & maiestas;
hoc est, quod augustos Principes, etiam in Isthmo angustiae,
Dijsq; proximos reddit. Triumphalia tua ô R E X ! non vidimus
in fiore, & purpura seculi illius; in quo à Ponto, vsq; ad Balticos
sinus; ab ipso propè Volga, & Moscuæ fibris, vsq; ad Carpathum
protensi; vsq; ad lenocinia felices, animoq; ad intemperiem effusi,
beati nimium fuisset; si bona nostra intelligere, vicibusq; alternis
providere voluissemus: sed cardinibus regni iam propè conuulsis,
fragmentisq; passim iacentibus; sed superincumbente extremo
halitui nostro, Orientalium armorum mole, intra fatalem spiritus
illius agoniam; qui regnis & populis aliquando emotis, vsq; ad
Albim, & Borysthenem, in columnis

ferreis steterat inconcussus. Hæc lacera carbasa Te nauclerum;
femiruta castra Te bellatorem; hæc legionum inclinatae acies Te
Ducem exceperunt; & cum omnia dehiscere viderentur, Te
Regem, & triumphatorem extulerunt. Reputet secum, cui non
summus videris, illam voraginem cruoris; quæ os immane, à
bellis feruilibus, ut aperuit, quid non hausit? Curtios Poloniarum
nobilissimos, ab illa absorptos, sola aeternitas computat, sola no-
uit. Ab hac voragine Tu bellator, cruenta omnia expertus, &
supergressus, adhucq; manibus, & gladio vrgens; quam hostiles
mille victimæ cruentarunt, in tua verè purpura triumphas. An-
tequam ad elatam Imperatoriam ventum, per omne genus ho-
stilitatis, relegant gradus tuos; gradus veteranos, & in rupe ca-
uatos; Tyrones isti, nuperrima pluuia nati, quorum memoria
tantum non nisi attingit, quantum limax è sua testula prostat:
relegent sanè, si tamen ea cordis latitudine sunt, quod nec con-
cipere vnquam, nec satis obstupescere possint. Bellaces animæ
Vos appello. sed ubi estis? si tamen alicubi superesse conces-
sum, date Principi fidem, date fidei signacula, tot profluvia san-
guinis, cum hoc Duce per vos emensa; qui diu inter hæc peri-
clitari voluit; ut sciret, quæ iuberet Imperator; qui validus ubiq;
& animo ingens, Solum hoc, quo nunc eminet; ipse sibi Cosaci-
cis, Scythicis, Moschouiticis, Sueticis, Otthomannicis deniq; tro-
phæis sublimauit.

Hic thronus erat, in quo iam confederas O REX! antequam
electus, & inauguratus fuisses; tollentibus Te in altum, ceruici-
bus hostium calcatis, quos vicisti; & necdum succollantibus Pa-
triæ humeris, iam summus eras, iam regnabas; destinatione o-
mnium, & voto, meritoq; tuo tam eminenti; ut thronum hunc
attigisse, & exigere visus fueris, confessione ipsius etiam delica-
tissimæ libertatis. Suffecerat sanè, vel sola, in qua tunc orbis
defixus hærebat, memorandi ad Chocimum ex Otthomanno tri-
umphii magnitudo; ut erigeret vota, tolleretq; secum vsq; ad
Augustale hoc; in quo nunc spectaris coronatus meritis; satisq;
carus Patriæ, satis Orbi fulgidus, etiam sine gemmis. Ipsa spe-
cies augusta, ipse natiuus regnantium vigor, sudumq; illud innu-
be semper, & nunquam perstringens; idem hostium terror, &

Cinium

Ciuium dulcor, absq; blanditijs alliciens, absq; ruga conuincens;
imperio Te natum, & sine circumstantibus pilis maiestate ple-
num; etiam cum Te inclinas, Principemq; exuis, vt Patrem in-
duas, iam non arcano numine fatentur. Sceptra Te inuenere iam
augustum, iam dibapha animi tui purpuratum; in qua ostendi-
sti Regiam mentem tuam, quam ante coronam pratuleras; in
corona, Vesuuio toto ad res maximas incaluisse. Seriem earum
non texo, vastissima est. Periculosa non edissero, in oculis sunt,
Victricia non computo, adhuc in stupore tenentur. Post Tur-
cas, & Scythas in Patria, cum validissimis exercitibus, incompa-
rabili virtute, & fortitudine tua saepius exceptos; & rem agi cum
inuieto Achille expertos: si Viennam dixerò, satis dixisse vide-
bor; opus sanè augustissimum; & in quo, etiam maximis tri-
umphatoribus quiescere, non indecorum fuisset; sed non Tibi;
qui non vt triumphes, bella geris; sed triumphas, quia gessisti.
Compages illa sacri foederis bellici, contra Orientem, inspirata
quidem calitùs, sed per obluetantia surgens; animis in contra-
ria, ob immanem domi scopulum discedentibus, Tibi post DE-
VM, quod coaluerit debet. & quia etiam vinxisti, etiam vici-
sti; DEO in Te vincente, & triumphante; ad cuius Aras, ante,
& post victoriam prouolui, atq; cum dulcibus lachrymis, Te
ipsum inter manubias dare, tota Tibi fuit victoriæ summa. Fa-
ta Viennæ, vorago periculi, Orbis gemitus, spes deplorata, por-
tentosa vis hostium, sors vltima sub ictu; & mox vita, libertas,
& triumphus in puncto, seculis Te dicent; etiam nolentibus ijs;
qui post accepta beneficia ringuntur, & post oscula rodunt: Pa-
tria verò nostra cohorrescente adhuc, & serò reputante; quid
foris in Te corde suo fecerit; domi excors, & semianimis; quâq;
prodiga Tui, & sui, omnia simul dederit sub hastam. Verùm
hæc impendia sanguinis, pro DEO & fide sincerissimè data;
hæc tua immemor sui, memor iurati foederis, in mille discrimi-
na profusio; nouo ad Parcanum, & Strigonium repensâ est tri-
umpho; & immenso deinceps gaudio nostro; cum è Pannonia
redux, antequam in oculis, iam in sinu, & complexu Patriæ es-
ses, in animis sine pompa triumphans. Præuenisti omnia, quan-
do venisti tam moderatus, ceu nunquam vicisses, capi difficilis,

impossibilis dici; vno tamen omnia claudens, quod desideratus,
& amabilis. Et nos quidem defixi toti in Te hæsimus; & sa-
tis nos vixisse, Te viso, imò nunc tandem Viuendum censuimus.
Tu verò oblitus eorum, quæ gesseras; & totus in ijs, quæ ge-
renda instabant, præsentibus quidem gaudijs modestè fruebaris;
sed iam classica ardens, ad Tyram, & Istrum animo versabare:
appensisq; in sacro Capitolio Vauelano, Deoq; dicatis opimis spo-
lijs: iuisti tam alacer, tam expeditus, audusq; bellandi; ceu nunc
primùm, spatia Tibi meritorum, Graduius expandisset. Non
retardârunt Te publicæ gratiæ; legationes Principum, exquisiti
nationum applausus; in quorum delicijs, & osculis, cum præsens
esse non posses, Icones tuæ fuere; in vultu tuo Martem ipsum
agnoscentibus, & decernentibus cunctis; sic pugnare, sic vince-
re, non alium nisi Te debuisse. Quantum ille, vel vnus mentiu-
m interpres, Serenissimæ Reipublicæ Venetæ Legatus, Magni
Morosini germanus, & eminentissimus sanguis; cum Te in ar-
mis, & contra hostes detonantem vidisse; inextinguibilis voluptas,
& animi triumphus fuerat: opportuno sanè experimento; vt bar-
barum istud, fugax, & inops hostilitatis genus, quod nos à Pon-
tò exagitat intelligeret; magnos tecum Heroas, ne augustius pu-
gnent, & vincant, ab hisce turpissimis Harpyis distineri. Et ta-
men, si hoc solum, REX Inuicte fecisses; quod colluuiem illam,
& magnarum victoriarum foedissimum obicem, in Te morari
feceris; Orbis Tibi Christianus gratias deberet, nunquam pari-
ter responsuras. Sed quis hæc capit? crinitamq; fontibus hy-
dris Tisiphonem istam, quis vt est, secum reputat? aliud enim
est Phormio ad mensam, aliud Annibal in acie; aliud Roscij
pes in scena; aliud Scæuolæ manus in igne; nempè vt differunt
acumine gladij, sic hostibus bella. Si tot viscera Optime Prin-
ceps, habere posses, quot profundere cupis; vt emissarijs istis ca-
nibus, latus pugnacissimæ gentis, ex hac parte non pateret ad
offam: ires in acinaces torus, spelæaq; ipsa peteres; vt lamiam
hanc inferni, adactò in viscera ense, vno ictu confoderes to-
tam.

Hoc egisti ad Camenecum, præsens ipse opera immortalia
urgens; nubemq; illam Scytharum, quæ copijs tuis superinfun-
debatur,

debatur, & mox diffilliebat, clade non vna, vsq; ad maiora quam
Tyræ, barbari sanguinis diluua permiscens; donec inuictō ro-
bori tuo allisa, in finibus Patriæ penitus dispareret. Hoc exer-
citus tuus, cum Magnis Ducibus suis, per fatales illas Dacicas fau-
ces, summa virtute, vsq; ad stuporem hostium eluctatus; cæsis
quibusq; ferocissimis, & illæsis Aquilis nostris, supra spem Patriæ
egit. Hoc deniq; anno superiori, augustus ipse genius Martis, &
bellator exercituum spiritus, in ipsis visceribus suis hostem scru-
tatus, & prouocans egisti; cum transmissō Tyræ, sedeq; Daciæ
in fidem recepta; Turcis & Scythiis eminens obuolitantibus, &
congregari non ausis; non tam cum hoste, sed cum ipsis elementis
pugnabas: cum omni pabulo, in campis Budziacensibus, à face
barbara funditus exusto; fluuijs, lacubus, & fontibus ipsis ab ar-
dore lolari exsiccatis; tellureq; ipsa scissis ob nimios calores hiatibus,
passim in voragine discedente; æstu, fame, siti, in immen-
sum premente; supereminebas omnibus: quasitosq; tandem,
cæcos, & captos plurimos, quod in fugacissimis rarum, alios per
Nemesim gladij tui, gratas Orco victimas; alios in fæda Patriæ
mancipia dedisti. Sustentata viribus tuis, & auersa barbaries illa;
ne se Turcarum copijs in Pannonia iungeret; ne speciosissimo ex
Buda expugnata triumpho, obstacula daret; eorum, quæ tum
gesta sunt, ingens momentum fuerat; dum in rem Christianita-
tis; non vno discrimine nostro, passim geritur; vt penes alios
fructus victoriarum sit, penes nos vulnus, & sanguis: & tamen
dulce adhuc esset, etiam hac voragine sorberi; si id, quod iam
nos per annos quadraginta cruentat, æquam rebus stateram da-
ret. Ecce immane istud, quod nos circumstat; cum quo lucta-
mur; quod ipsa etiam natura exosum, & abortiuum habet; in
maximo nuper Moscorum exercitu, Orbi & seculis reuelauit;
quomodo non Hyrcanis quidem rupibus; sed horrido deserto-
rum tractu, ab hac macerie; intra quam Mæoticum istud pa-
lustre dedecus latet, diuidimur, cui tanta armorum procella,
tantusq; non suffecit apparatus; vt negatis à natura elementis,
potentia succurreret. Iudicet ergo Orbis, & Te Martem no-
strum cogitet; quomodo, & vbi, & cum quibus copijs rem ge-
ras; & quam tecum Patria nostra, etiam auulsione tot Prouin-
ciarum


clarum ad Moschos; truncata membris, & quidem tantis, iamq;
vix ossibus hærens, mutilum istud, & lacerum corpus habere ma-
lit; quàm orbis Christiani salutem, & integritatem mutilari. Hic
ille zelus est, quo ardes, quo animas cunctos; nec tanti æstimas,
hoc pectus tuum cordatissimum, quo calemus; hæc tua visce-
ra, quibus fouemur omnes; modò viscera Christianitatis, Thrax
iste, vel Scythicus non rodat molossus. & si Solem quoq; cum
Iosue, verbo sistere posses; vt prælia Domini, calentiùs ferueant,
& vincant; etiam capitis obiectu id ageres; victoriæ lucro, &
trophæo maximo, si per vulnera, & dispendia tua, triumphet
DEI causa. Quo quidem ingenti spiritu, etiam Consortem tu-
am Regiam, Augustam nostram, Serenissimam MARIAM CA-
SIMIRAM, seculi nostri Heroïnâ fecisti: cui non sufficit,
coram Aris pro Te, & sacris puluinaribus prosterni, orationi fer-
uentissimè instare; gemitu cælos fauentes, & sparsa in egenos
prodiga stipe, Numen tibi propitium reddere: sed quoties Te,
ad opera bellorum augusta dimittit, castris quoq; inferri, & in-
ter aquilas tuas versari posceret; & si iuxta cordis anhelitum da-
retur, pro re Christiana tecum, etiam in victimam sanguinis
iret. Quid Regia proles tua? quantus in ea Pater, & quàm ar-
dens in prælia spiras? quomodò cæptis à Vienna bellorum expé-
rimentis, Serenissimus IACOBVS, Martem veltigat, & vrget!
quomodò in Dacia per Scythicos enses, ad cruenta belli decora,
toto pectore ferri; quomodò ad Camenecum, inter tot hosti-
um tonitrua, gradu ad tormentorum ictus non moueri: hostemq;
non computare, sed sub nube sagittarum, fortiùs dimicare con-
discit, ceu sub vmbra. Quò etiam Serenissimus ALEXAN-
DER, delictum illud, & gemmula cordium, etiam vix ad nego-
tium Martis, rupta viscerum compage, non prouolans; calen-
tissimis desiderijs, & totus animo suspirat; indignaturq; ætati,
& dexteram tendit, ceu iam acinaci parem; prætextam exosus,
dum sagum ambit, & dum pudet adhuc non esse Achillem.

Sed me tecum Auguste noster, Mars tuus bellator, & ar-
dens ab opere cæpto rapuit; qui pridem attonitum in Te rapu-
it, & detinet Orbem. Quis non Dædalus tecum? quis non in-
genio ales? quem Tu gestorum tuorum, magnitudine sublima-

sti. Ga-

sti. Ganymedem aquila cælo intulit, Tu non eripies terris?
quem cum fastigio gloriæ tuæ nubibus infers, dicendus elogijs
omnibus; sed de quo Cyneas, & Demosthenes totus, cum omnia
dixerint; ceu nihil dixissent; restat velut post guttam, elogio-
rum semper Oceanus totus. Tu os de Te, Tu anima, Tu styli,
& seculi purpura nostri. quo regnante, exemplo necdum in Pa-
tria nostra viso; pro tanta, fusi in rem Christianam Poloni san-
guinis purpura; Regio sanguine tuo purpurati Principis, MI-
CHAELIS RADZIEIOWSKI, Archiepiscopi Gnelnensis, &
Primatis Regni; ac IOANNIS CASIMIRI DONHOFF,
Eminentissimorum S. R. E. Cardinalium, gemina simul purpu-
ra, sacro Ecclesiæ murice rubet. Tu ergo fastos de Te impleas,
nobis admirationem tui relinque; Tu Patrem Patriæ longæuus
age, illo amore nostri, illa solitudine pro cunctis, illa clemen-
tia admirabili; quâ cum nihil vindices; nihil innocentiae tuæ læ-
suum, capiti Regio infestum, mille frigidissimis coniecturis ar-
matum, palam in calamistris; occultè in puncturis; ubiq; ma-
lè suspicax; & cum omnia feceris, semper aliquid desiderans, &
carpens: cum nihil, inquam eorum, iusta Nemese pungas; vel
abigas saltem; maiestate tamen, & arcano numine plenus, au-
thoritate & imperio summus, rectefactorum conscientia securus,
semperq; Patrem Patriæ agis. quæ cum Tibi omnia debeat; cri-
am hoc non indecorum, Regiæ tuæ dexteræ opus, quod hic lo-
quimur, in præcellentissimi animi Heroe, STANISLAO

SZCZVKA Vnicè debet: cui fastigium gloriæ maxi-
mum est, non vt illi quondam, sub Augusto mi-
litaſſe; ſed vixiſſe, profeciſſe, militaſſe, cre-
uiſſe ad ſumma omnia, maximo
bellatorum & triumphato-
rum, ſub IOANNE.





A C R O A M A
MAGNO, ET MERITISSIMO HONORI,
& Solennibus eius auspicijs,
inter acclamationes publicas,
Apollinari voto, & barbitō,
APPLAUDENS.

ERGŌ tibi iam laudis apex, & maximus instat
Qui te poscit honos. iam publicus undiq; plausus
In tua festa calet. ruimus, rapimurq; beatis
Accensi facibus; quo Tu lectissimus ipse,
Os, humeros, animiq; tui fastigia tollis.
Necdum te donas audis, necdumq; videris;
Et iam carus ades, specie totusq; decora,
Mentibus occurrens, in amantum corde triumphas.
Quid serus veheris? quid gaudia nostra moraris,
Suspendusq; animos? cernis quam pendeat ex Te
Tota fauens pupilla tibi; quam brachia tendat,
Expectetq; tuos series longissima vultus.
Ecce Themis Regni, Patrū celsissima Iuris
Maestas, Delphisq; tripas sublimior ipsis,
Augustam tollit faciem, cum murice toto
Nobilium cætus; donec splendoris in auge,
Digna tuis meritis latè vestigia figens,
Culmen honoratum teneas. pro quantus! & orbi
Quam visendus ades Lechico! cui gratia passim

Ore praeit placido, totisq; effusa medullis
 Ad sacra Lublini Capitolia, tramite pulchro
 Sternit iter roseum, niuea cum grandine mistum.
 Ceu cum Tarpeios magno cum Cesare colles,
 Mars peteret victor, fracta ceruice superba
 Bellacis populi, Rhodanum, Ligerimq; bibentis;
 Totq; triumphorum non uno sanguine partas
 Post laurus, fractasq; asies, passusq; cruentos;
 Romuleo suspensa tholo post mille trophaea,
 Plausibus, & meritis gaudens. tum sedibus ipsis
 Mota velut Latij Princeps, populisq; timendum
 Orbis Roma caput, vastissima brachia tollens.
 Imperijq; sinus immensos; corde sub ipso
 Caesaris augustas posuit cum nomine palmas.
 Ast tibi cor Patriae, diductaq; viscera cordis
 Candida pax aperit, pax dulcis, & aurea virtus,
 Cum Consoq; Themis. pro Te dulcedine mira
 Perfusis animis, Musa, Charitesq; laborant;
 Ut venias & amor nobis, & gratia dulcis;
 Purpureosq; apices teneas, quos iure mereris,
 Celsius augendis gradibus. nam sanguinis in Te,
 Priscus honos, splendorq; nitet. natalibus altis
 Lucia quem Roma ceris commendat auitis
 Stirps, per Hyperboreos tandem diffusa Triones
 Stemmata Lechiadum Bohemo cum stemmate iungens,
 Littanica gemmasq; mitra, maternaq; clari
 Sanguinis a Ducibus Russis insignia, longo
 Principis ex alto meriti venientia tractu.
 Heroum secunda parens Mazouia postquam
 Littanicis SZCZVKAS pugnaces intulit oris.
 Insignesq; dedit vario discrimine rerum,
 Tot meritis, titulisq; viros. quos unicus in Te
 Claudis, & aeterna consignas omnia fama.

A Lucijs Ro-
 manis. Stem-
 matis, & Do-
 mus Szczu-
 karum, ori-
 go antiquis-
 sima.
 Ducum Rus-
 siz, & Lithua-
 niz consan-
 guineus
 splendor.
 Ducum Ma-
 zouiz erga
 hanc stir-
 pem, insignis
 gratia.

Omnibus elogijs nam tu mihi sufficis unus,
 Ex equo nunquam dicendus; culmina quavis
 Artis, & ingenij, virtutum culmine vincens.
 Dotibus ex animi quantum te dixero! quantum
 Indolis ex genio magna! conclaue beatum
 Pectoris intranti, quantus se pandit in illo,
 Qui sapit, & regitur Diua virtute Senatus.
 Ille nitor mentis tersissimus, illa profundum
 Vis animi, sensusq; gravis; censuq; togato
 Dives, & exundans docta cultura Minerva.
 Maestas calami, nervosis sensibus urgens
 Robora scribendi, sed non sine nectare dulci,
 Attica quod roseis fudit mellita labellis;
 Principis obsequio Solij dignissima cuncta,
 Mentibus augustis carum, meritòq; placentem
 Te Lechico fecere throno, sub iudice tanto;
 Purpura quo Regum sapientiùs hãud tulit unquam,
 Parq; nihil cui totus habet quã panditur Orbis,
 Responsis trabea dignis, de Principe sensu.
 Viderat Augustus noster, lux aurea mentis,
 Unica Sceptrigeri mens, & sapientia cordis,
 Unio Christiadum, Regumq; corona IOANNES,
 Belli-potens Mauors, Orientis Victor, & Atlas
 Sarmatiae, Patriaq; Pater; sed maximus idem
 Exacti iudex animi, praxisq; suprema
 Et censura bonae mentis, cultusq; togati,
 Iudicio summo, te totum viderat intus;
 Ingentisq; dedit commissa negotia cura,
 Pectoris electi penetralibus, inq; probato
 Condidit illa sinu. nam voto Principis in Te,
 Respondit facies animi cultissima tota,
 Tota capax grandis meriti, par rebus agendis,
 Sublimi pariter sensu, calamoq; beata.

Serenissim^o
 IOANNES
 III. Rex Po
 loniae, Illu-
 strissimum
 Sacerdotum
 Regali iudi-
 cio, ex ani-
 mi dotibus
 eligit, &
 probat.

*Hic Tibi præcelso magna fastigia mentis
 Succreuerè tholo. cœu cum radicibus altis
 Nixa solo, crescensq; diu per viscera terra,
 Mox postquam patulas se ramis tollit in auras,
 Arborea molis surgens compage virenti,
 Nubibus exaquans humeros, & culmina tandem
 Vertice Libani stat spectatissima cedrus,
 Secula mansurum spondens victura per æuum.
 Sic Tibi Regales inter fascēs, thronosq;
 Culminis in summo gestis robusta, diuq;
 Succreuit iustis meritis exercita virtus,
 Libano visenda suo, Patriæq; theatro
 Brachia cum ramis iam nubibus æmula tollit;
 Secula quò nōrint, quā dignè creuerit Orbi
 Hoc dextræ Regalis opus, quod cernitur in Te.
 Nempè tuis primū manibus collata Sigilli
 Gratia; signandi tulerat cum munere, lati
 Ominis auspiciū; quod quæ signabat, id ipsum
 Mox habitura decus, gereret signanda per æuum
 Digna manus Regum calamo, pariterq; sigillo.
 Persica gemmarum, vel fului dona metalli,
 Vel Tyrias gazas, vel Ganges quidquid, & Indus
 Ditibus in venis, & vasto littore seruat,
 Non tulit ista manus, Phrygio cum vellere priscas
 Colchidos hāud signauit opes; sed carius omni
 Depositum pretio, Regum cortina quod intus
 Arcanum sentit. Magni quos Principis ore
 Respondet populis sensus. Tu murice toto
 Hoc decus eloquij spiras; quo purpura Suada
 Exultat Lechica, trabea cultusq; triumphat.
 Sed Tu, quam tantum penna felice Monarcham
 Exprimis augustè. Patriæ sic consulis in rem
 Publica dum rerum facies, & causa requirit.*

Administra-
 tionem Si-
 gilli Regij e-
 idem confert

Et expediti-
 onum intimi
 Regalis cu-
 biculi cala-
 mum.

Regens Can-
cellariæ Re-
gni deligitur

Ad Comitia
Regni sæpè
ex Palatina-
tu Nuntius.

Cum Illustri
Dante Loui-
cio Thesau-
rario Curiz,
Commissari-
us Regius ad
Tribunal
Regni.

Commissa-
rius ex Co-
micijs Re-
gni, ad tracta-
tus cum Mo-
schis decla-
ratus.

Non Tibi flos oris tantum, Pastanaq; latè
Gratia mista rosis, facundo germine vernat:
Atticus ille lepos, quo suavis mentibus instas,
Nec solus Tibi dulcè sapit; sed rebus in ipsis
Te gravitas fundata Virum, candorq;, fidesq;,
Et veri cordatus amor, solidasse videtur;
Quando Regens Regni summo dictamine factus,
Implem rem meritis, animo lectissimus urges,
Venerat ex tanta Tibi quod virtute paratum.
Hic ubi libertas, & Regni splendor, & omne
Consilij robur, reclusa Senacula pandit,
Orbis in aspectu Lechici, Tu iuris auiti
Patritium columen fueras, & regula legum;
Martis sanguinei, grataq; negotia pacis
Matura virtute librans; sandiq; deserto
Permiscens dulcore, Charis velut una sonabas.
Hinc tibi Diva Themis Regni, summumq; Tribunal,
Collatum Patrie vidit prænobile munus;
Cum DANIELOVICIO Regali sanguine quando
Detuleras, iuris patrij, legumq; supremis
Præsidibus, sella quod decrevere curules,
Principe cum Solio. Tu par ut sensibus altis,
Sic dictis grauib; rerum sublimia tangens,
Officij partes implèsti fine decoro.
Finitimis etiam Tu fœdera gentibus, inter
Difficiles nodos, perplexaq; iura dedisti,
Moschua cum nostris latè contermina terris
Mansurum tractaret opus; Tibi plena potestas
In re tanti operis concessa, fideliter illud
Prudenterq; egit, sensus & pectora noscens
Gentis Hyperboreæ; nimium qua cauta, tenaxq;
Propositi, Sceptriq; potens, subnixaq; tanti
Viribus imperij, rerum momenta fatigat,

Heroasq;

Heroasq; animos poscit; quos inter haberi
 Tu quoq; dignus eras; cuius prudentia flexit
 In rem Sarmatiae, vicini climatis artes.
 Sic quoq; Pannonicis Tu designatus in oris,
 Pressonium fœdus si successisset, in illo
 Æstu bellorum, tantos componere motus
 Par fueras; animosq; optabas posse rebelles
 Lucrari tandem, sanisq; cruoribus ehèu
 Pacificum posuisse modum; sed cladibus ardens
 Maluit ipsa suis, rabies praefracta perire;
 Principis arbitrio tanti, fideiq; salutem
 Credere quam propriam; cuius victricibus armis
 Tunc Oriens fractus gemit, gemuere Tyranni
 Odrysij tumida vires, & castra pudendo
 Aeternum lugenda probro, sortesq; caduce
 Mæotidos, fususq; Asia cum fulmine terror.
 Te quoq; tum Lechici virtus, & gloria Martis
 Fecerat augustas Aquilas, magniq; IOANNIS
 Regia castra sequi, quò belli duxerat ardor.
 Nempe Tibi pectus, quamuis cum Pallade tota
 Impleret Consus, Delphisq; oracula digna
 Promeret in summo, non toto pacis in usus
 Incubuit nisu. flammis sed grandibus ustum
 Sauromatas inter, belli nativa poposcit
 Hostibus in medijs opera, & venerabile prisci
 Sanguinis hostili partum cum sanguine nomen.
 Ergò Bistonij dum classica seuæ Gradiui
 Sanguineas acies Lechis, & praelia Thracum
 Horrificis cecinere tubis; Tu Marte, togaq;
 Te cupiens prestare Virum; Vexilla secutus,
 Iuisti laterisq; comes, fidusq; Monarchæ,
 Quà dedit immenso tractu certamina Biston,
 Ara ciens, seu fortè domi, seu Caesaris inter

Commissari
 us ad dediti-
 onem Pre-
 szow in Hū-
 garia, si suc-
 cessisset.

Militaris gio-
 ria, & am-
 plissima in
 expeditioni-
 bus bellicis
 merita.

Sub signis co-
hortis Re-
giae, Serenissi-
mi IOAN-
NIS III. con-
tra Turcas,
& Scythas
militat.

Expedicio
Viennensis,

Altera circa
Strigonium
victoria.

*Austriacos latè fascēs, Hunnosq; rebelles.
Quanta triumphorum series, quàm grande gerendis
Rebus erat spatium! motis à cardine summa
Viribus Eoæ trabea; dum Thracius Orbis
Totus anhelaret, semel ut mucrone cruento
Viscera Christiadum transfigeret omnia, in ictu
Quo perijt, tandemq; minis furialibus ipse,
Lymphatus cecidit. sed ad hoc, quæ cladis abyssus?
Quanta parabatur populorum cadua moles!
Quis cruor? & tumultus? nisi fors extrema Vienna
Mutasset sortes alias; vicibusq; beatus
Horrendas superasse vices, & fata propinqua
Caestri potuisset ope, & Virtute IOANNIS.
Castra sub hoc Victore Tibi, palmaribus apta
Undiq; bellorum curis, visenda trophæis,
Delicium, ardentisq; animi dulcedo fuere;
Cum rueres totus, quæ confertissimus hostis
Immanes ausus, & barbarâ tela ferebat
Per Geticas acies. puduit virtute magistra,
Exemploq; manus Regalis, in hoste Gelono
Iustus vindicijs, non totum condere ferrum.
Indè Vienna tuis quidquid sub mœnibus actum,
Quidue triumphatum fuerit; mens conscia dicet,
Dicendoq; stupebit opus; cûi secula nunquam
Bellorum paribus sunt responsura triumphis.
Hic Oriens factus tristissima scena doloris
Ipse sui, spoliūq; ingens, & fœda Vorago,
Post trabea palmas, maiestatisq; coronas,
Et Tibi victrices, fuso cum sanguine laurus
Emerito censu posuit; rubuisse cruentus
Ister ubi visus, casos fatalibus hausit
Vorticibus Thracas, Scythiciq; cadavera Ponti,
Strigonienſe decus, tanto Victore deinceps,*

Panna-

Pannonicusq; labor, quidquid spectabile vidit,
 Pars fueras, inuicta gerens praeordia Martis,
 Et validas nixus, magni pro parte triumphi.
 Dacica quid memorem; magno sub Principe gesta?
 Quaesitumq; suis late penetralibus hostem?
 Quid tremulam Ponti rabiem, totiesq; fugacem,
 Et tamen absorptam gladio; cum fortibus ausis
 Obstaret natura velut. sed victa, negatas
 Compulsa est tandem Patria concedere laurus,
 Principis inuictiq; animo, Martiq; stupendo.
 Hec fastus memoranda suis, Tibi grande theatrum
 Virtutum, laudisq; ferent. quod totus in armis
 Sanguineas tuleris, per tot discrimina belli
 Principis in facie palmas. cultissima rursum
 Mens tibi quod dederit, fieres ut Nestor ab ore,
 Tullius à calamo, rerum pulcherrima nectens,
 Caesaris ex utroq; decus, Martemq;, togamq;.
 Omnia sed de Te, mihi quae dicenda supersunt,
 Unica gemmarum consignet maxima gemma,
 Absoluatq; tuas maiestas unica laudes;
 Sed quae sola tibi pro culmine laudis, & omni
 Maiestate sat est. haec augustissima de Te
 Ore coronato, gemmisq; nitente loquatur;
 Secula quae nobis, victricibus undiq; gestis
 Auro cœu solido, gemmisq; nitentia fecit,
 In media rerum ferrugine. nempè triumphus
 Orbis Sarmatici, & maiestas tota IOANNE S,
 Cor Tibi qui Regale dedit, consignet in ore
 Augusto de Te; quicquid fastigia Vincit
 Ingenij, calamos quicquid, cytharasq; fatigat.
 Hic tibi sit Regalis apex, operumq; corona,
 Illo iudicij sensu, vultuq; fauenti;
 Quo probat, & iustis sublimat honoribus in Te,

Scythæ in
 Dacia capi-
 us sunt.

Vndecimus
annus, me-
ritorum in
obsequio Se-
renissimi Re-
gis.

Excelsas animi dotes, meritisq; tot auctas;
Vndecimus quorum iam planè vertitur annus,
Constanti virtute tua, serieq; laborum,
In tantis rerum momentis. Lechicus Orbis
Hactenus euulsum quid enim non cardine toto
Viderat, & nutans, Orbis cœu pondere fracto,
Quod tamen augustis humeris, mirabile dictu
Extulit, inq; basi rursùm solidauit athena,
Inconcussus Atlas noster, columnaq; IOANNES.
Quid non tentatum bello? quid pace relictum?
Quæ moles non incubuit regnoq; thronoq;
Cum Vaticanus apex, & sacri purpura cœtus,
Religionis opus, tantiq; negotia belli,
Consilijs urget grauib. cùm Cesaris ardet,
Vicinumq; latus petitur, furialibus armis;
Infusisq; Asia trucibus, Ponti q; molossis,
Austriadum fibras lacerari, cùm gemit Orbis:
Viscera Podolie toties cùm Marte cruento
Erodit Biston. cùm Moscu nutat, & instat,
Fœdera promittit, resilit mox, rursus amicos
Sollicitat nexus. Vapidis cùm Dacia technis,
Lechica nunc Regni fastigia, querit, adorat,
Tutelamq; ambit; mox ludit, & arma Gelonum
In clades nostras sociat. cùm deniq; magni
Vndiq; Legati veniunt, à Persidos usq;
Finibus, occiduisq; plagis, & Gadibus ipsis.
Hac inter dum cuncta domi momenta fatiscunt,
Viribus exhaustis Patriæ, neruoq; cadente,
Sublatis opibus, consumpto milite, captis
Urbibus & populis, tenuatis vndiq; rebus;
Bellorum feruente tamen tot motibus astu,
Hosteq; tam vasto, cûi nulla potentia par est;
Nî Deus hoc ageret, quod secula cuncta stupebunt,

Princi-

Principis inuicti dextrâ; cûi machina rerum
Tanta licet fortes humeros, & pectora firma
Exagitet; virtus oneri non cedit, & omni
Altior est operum serie. meliusq; triumphat
Mole sub ingenti: sed Tu quoq; Principis inter
Ardua, fidus ades Solio, pars magna laborum
Factus; & Alcides infracto robore mentis,
Cum tot sustineas, & tanta negotia; maior
Omnibus es, totusq; animo sublimior exstas:
Dignus in Europa facie, quem maxima Regum
Maiestas, Romaq; caput, Soliumq; Vienna,
Audiat, & videat Cyneam; Legatio quando,
Publica Te poscet, quâ spectatissimus in Te
Lechiadum radiabit apex, sensusq; patebit,
Quem de Te trabeatus honos, gemmisq; coruscans
Augustale dedit. Tu felix omine tanto
Culmen habe, quod iure capis, procedeq; magnis
Passibus, ad decus hoc; quod Te circumstat, & ambit,
Lublinei super arce tholi. iam tota serenat
Hic Tibi se lucis facies. iam brachia tollunt,
Complexusq; tibi dulces Consusq; Themisq;
Effusiq; parant animi, latissima tempe,
Tot Tibi plaudentes oculi, tot corda, tot ora,
Tantus in occursum splendor; quo cingeris, & Te
Eripis immersis obtutibus. undiq; votis
Secula mille ferens, & quicquid dulcia possunt
Barbita cum Musis, Charites cum Pallade tota;
Et quicquid sublime nitet, sellasq; curules
Spondet honoratis gradibus; quos Lechicus Orbis,
Iam Tibi, Virtutiq; Tua, meritisq; paratos,
Hac Tibi dum moles operis celsissima surgit,
Voce triumphali, summa decreuit in auge.

Præfectura
Lublinensis,
à Serenissi-
mo Rege col-
lata.

K

Sic

*Sic agite o Superi ! toto date lilia calo,
 Spargite puniceos imbres, conchylia late
 Sidonijq, rosas ostri, per cuncta fauentes,
 Consentesq, date; ut cedris vinacibus iste
 Vuat honos, illustris honos, mansurus in æuum;
 Quem Tibi Regali, quoniam Vir Maxime voto
 Decreuit, statuit, meritis poscentibus, atq,
 Virtutis pretio, quo non est iustus ullum;
 Omnia que de Te poterant oracula dici,
 Bellatrix, victrix, sapiens, augusta IO ANNIS
 Gratia, maiestas, & murice tota sub vno
 Orbis Christiadum, sat de Te purpura dixit.*



Typo
Fam
Exag
Allo
um;
0100

Cum
Om

SIN

Ma
Jub
Tab
Jee
Qu
Aug
Cal
Taj
Laj
Hic
Com
Eff
Pon
Pa
Eri
Sec
Ba
Eri
Spe
Laj
Hic
To

